

आकाशवाणी

- राष्ट्रपति द्रौपदी मुर्मु नै संसद दे सीतकालीन सत्र च पारित सतत परमाणु ऊर्जा उपयोग ते विकास, भारत रूपांतरण विधेयक, 2025 - शांति विधेयक गी मंजूरी दिती ऐ।
- महाराष्ट्र च महायुति गठबंधन नै मुकामी चुनास निकाय च शानदार जित हासिल कीती ऐ। अरुणाचल प्रदेश च मुकामी निकाय चुनाएं च सत्तारूढ़ भाजपा नै प्रचंड जित हासिल कीती ऐ।
- सरकारै आक्खेआ ऐ जे अरावली पर्वतमाला दी पारिस्थितिकी गी फऔरी तौर पर कोई खतरा नेई ऐ।
- मुख्य भरै च अज्ज राष्ट्रीय गणित दिनव मनाया जा'रदा ऐ
- महिला क्रिकेट च, भारत नै कल राती विशाखापत्तनम च खेडे गेदे 5 मैचें दी टी-20 अंतरराष्ट्रीय श्रृंखला दे पैहले मैच च श्रीलंका गी 8 विकेट कन्नै हराई दिता ऐ।

<><><><><><>

Prez. Shanti

राष्ट्रपति द्रौपदी मुर्मु नै संसद दे सीतकालीन सत्र च पारित सतत परमाणु ऊर्जा उपयोग ते विकास, भारत रूपांतरण विधेयक, 2025 - शांति विधेयक गी मंजूरी दिती ऐ। राष्ट्रपति होरें कल इस विधेयक गी मंजूरी दिती। इस विधेयक च नागरिक परमाणु क्षेत्र कन्नै जुड़े दे सारे कानूनें गी समाहित कीता गया ऐ।

कन्नै गै इस क्षेत्र च निजी क्षेत्र दी हिस्सेदारी दा बी प्रावधान कीता गया ऐ। विधेयक तैहत परमाणु ऊर्जा अधिनियम, 1962 ते नागरिक परमाणु क्षति दायित्व अधिनियम, 2010 गी निरस्त करी दिता गया ऐ, जिनें भारत च नागरिक परमाणु क्षेत्र दे विकास च रुकावट मन्नेआ जा'रदा ऐ।

<><><><><><>

Prez. G Ram G

राष्ट्रपति द्रौपदी मुर्मु होरें विकसित भारत-रोजगार ते आजीविका मिशन-ग्रामीण विकसित भारत- जी राम जी बिल, 2025 गी मंजूरी देई दिती ऐ। संसद नै इस्सै शीतकालीन सत्र दौरान पास कीता हा। एह एकट ग्रामीण परोआरें आस्तै हर माली ब'रे च वैधानिक मज़दूरी रोज़गार गारंटी गी इक सौ 25 दिन तकर बदान्दा ऐ। ग्रामीण विकास मंत्रालय नै दस्सेआ ऐ जे एह ग्रामीण रोज़गार नीति च बदलाव दी दिशा च इक महत्वपूर्ण गें ऐ। मंत्रालय नै अग्गे दस्सेआ जे एह कानून सशक्तिकरण, समावेशी विकास, विकास पैहलें दे तालमेल ते सारे जरूरतमंद लोकें गी लाह देने गी बा'वा दिन्दा ऐ। विकसित भारत- जी राम जी एकट महात्मा गांधी राष्ट्रीय ग्रामीण रोज़गार गारंटी एकट -मनरेगा 2005 दी थाहर आन्दा गेआ ऐ।

<><><><><><>

Maharashtra Election

महाराष्ट्र च महायुति गठबंधन नै मुकामी चुना निकाय च शानदार जित हासिल कीती ऐ। भाजपा, शिवसेना ते एनसीपी दे महायुति गठबंधन नै 288 नगर परिषदें ते नगर पंचायतें दे चुनावें च मुकामी निकायें दे अध्यक्षें दे 207 ओहदे पर कब्जा जमाई लैता ऐ, जिसलै कि विपक्षी महा-विकास अघाड़ी छडा 44 सीटें पर सिमटी गया ऐ। राज्य चुना आयोग मूजब भाजपा नै नगर अध्यक्षें दी 117, शिवसेना नै 53 ते एनसीपी नै 37 सीटें पर जित दर्ज कीती।

कांग्रेस गी 28, एनसीपी-शरद पवार गी 7 ते शिवसेना-उद्धव ठाकरे गी नौ सीटें पर संदख करना पेआ। चुनाs आयोग च होर दुए पंजीकृत पार्टियें चार सीटां जीतियां, जिसलै कि नगर अध्यक्ष दी 28 सीटां गैर-मान्यता हासिल पंजीकृत पार्टियें गी थोईयां न। 5 सीटें निर्दलीय उम्मीदवारें जितियां न। 286 नगर परिषदें ते नगर पंचायतें दे चुना दो चरणें च होए, जिसलै जे दो होर मुकामी निकायें च मेदवार निर्विरोध चुने गए।

<><><><><><>

Local Body Election AP

अरुणाचल प्रदेश च मुकामी निकाय चुनाएं च सतारूढ़ भाजपा नै प्रचंड जित हासिल कीती ऐ। 15 दिसंबर गी होए दे जिला परिषद ते ग्राम पंचायतें दे चुनाएं च भाजपा नै बहुमत हासिल कीता। इटानगर नगर निगम च बी भाजपा नै 20 चा 14 वार्ड जीतकर निर्णायक जीत दर्ज कीती। हालांकि, क्षेत्रीय पार्टी पीपुल्स पार्टी ऑफ अरुणाचल-पीपीए नै पासीघाट नगर परिषद च 8 चां 5, भाजपा नै दो ते निर्दलीय नै इक वार्ड थवा जीत दर्ज कीती। विपक्षी कांग्रेस दा इटानगर ते पासीघाट च खाता बी नेई खुल्लेआ। मुख्यमंत्री पेमा खांडू होरें बी पार्टी दी इस शानदार जीत आस्तै मतदाताएं दा आभार जाहिर कीता।

<><><><><><>

Aravallis Claims

सरकारै आक्खेआ ऐ जे अरावली पर्वतमाला दी पारिस्थितिकी गी फऔरी तौर पर कोई खतरा नेई ऐ। पर्यावरण, वन ते जलवायु बदलाव मंत्रालय नै आक्खेआ ऐ जे अरावली पर्वतमाला देश आस्तै कुदरती धरोहर ते पारिस्थितिक कवच ऐ। केंद्रीय पर्यावरण मंत्री भूपेंद्र यादव होरें आक्खेआ जे सर्वोच्च न्यायालय दे 100 मीटर दे फैसले दी गलत व्याख्या कीती जा र दी ऐ।

संवाददाताएं कन्नै गल्लबात च यादव होरें नागरिकें सोयां अरावली बारे च भ्रामक जानकारी नेई फैलाने दा आग्रह कीता। उने आक्खेआ जे अरावली पर्वतमाला दा कुल क्षेत्रफल 1 लक्ख 47 हजार वर्ग किलोमीटर ऐ ते खनन छडा सिफर अशारिया इक नौ प्रतिशत क्षेत्र च गै अनुमानित ऐ। श्री यादव होरें आक्खेआ जे सर्वोच्च न्यायालय दे फैसले मूजब, अरावली क्षेत्र दा 90 प्रतिशत हिस्सा संरक्षित क्षेत्र दे तैहत औन्दा ऐ ते इस संबंध च कोई छूट नेई दिती गेई ऐ। अरावली पर्वतमाला दिल्ली, हरियाणा, राजस्थान ते गुजरात सनें देश दे चार राज्यें च फैली दी ऐ। केन्द्री य मंत्री होरें आक्खेआ जे दिल्ली दी अरावली पहाड़ियें च कुसै बी चाल्ली दा खनन प्रतिबंधित ऐ। न्यायालय नै हाल च गै पर्यावरण मंत्रालय दी इक समिति आस्सेआ अरावली पर्वत श्रृंखलाएं दी परिभाषा सरबन्धी सिफारिशें गी स्वीकार कीता ऐ, जिसदे च आक्खेआ गेआ ऐ जे 100 मीटर सोयां घट्ट ऊंचाई आहली पहाड़ियें गी हुन प्राचीन पहाड़ियें दा हिस्सा नेई मन्नेआ जाग।

<><><><><><>

National Mathematics

मुख्य अज्ज राष्ट्रीय गणित दिवस मना'रदा ऐ। एह दिन भारत दे सब्बनें थवा मते प्रभावशाली ते विश्व स्तर पर मान्यता हासिल गणितज्ञ श्रीनिवास रामानुजन हुन्दी जयंती दे मौके पर मनाया जन्दा ऐ। इस मौके पर मुख्य भरै च शैक्षणिक संस्थानें, अनुसंधान निकायें ते अकादमिक मंचें पर अज्ज वैज्ञानिक प्रगति ते रोजमर्रा दे जीवन च गणित दे महत्व गी उजागर कीता जाग। भारत सरकार नै दिसंबर 2011 च इस दिन दी औपचारिक शुरूआत कीती ही ते रामानुजन दे गणित विषे च असाधारण योगदान गी मान्यता दिन्दे होई 22 दिसंबर गी राष्ट्रीय गणित दिवस दे मौके च नामित कीता गया हा।

2012 गी राष्ट्रव्यापी राष्ट्रीय गणित वरे दे रूपै च मनाया गया, जिसी गणितीय शिक्षा ते अनुसंधान गी संस्थागत रूप कन्नै ते मता प्रोत्साहन थोआ। 22 दिसंबर श्रीनिवास रामानुजन दा जन्म ऐ, जिन्दा कम्म इक शताब्दी सोयां मते समें मगरा बी आधुनिक गणित गी प्रभावित करदा ऐ।

<><><><><><>

Divya Kala Mela

दिव्य कला मेले दा 28मां संस्करण कल नमी दिल्ली दे कर्तव्य पथ पर रंगारंग समारोह कन्नै संपन्न होआ। नौ दिन दे इस मेले नै दिव्यांगजनै गी हस्तशिल्प, घर गी सजाने लेई समेयान, कपडे ते होर दुए रचनात्मक उत्पादें गी प्रदर्शित करने ते बेचने दा मंच प्रदान कीता। सामाजिक न्यास ते अधिकारिता मंत्रालय तैहत दिव्यांगजन सशक्तिकरण विभाग आस्सेआ आयोजित इस मेले च 20 राज्यें दे 100 सोयां मते दिव्यांग शिल्पकारें ते उद्यमियें हिस्सा लैता । समापन समारोह च दिव्यांग कलाकारें कैई सांस्कृतिक प्रस्तुतियां दिंतियां, जिनें दर्शकें गी बडा मता सराहेआ। आकाशवाणी समाचार कन्नै गल्ल करदे होई, दुकानदार शालिनी नै इस आयोजन आस्तै राष्ट्रीय दिव्यांगजन वित्त ते विकास निगम दा आभार जाहिर कीता।

<><><><><><>

Women Cricket

महिला क्रिकेट च, भारत नै कल राती विशाखापत्तनम च खेडे गोदे 5 मैचें दी टी20 अंतरराष्ट्रीय श्रृंखला दे पैहले मैच च श्रीलंका गी 8 विकेट कन्नै हराई दिता ऐ। इसदे कन्नै गै भारत नै श्रृंखला च 1-0 दी बढ़त बनाई लैती ऐ। श्रीलंका दे 122 रन दे लक्ष्य गी भारत नै इसी 14 ओवर ते 4 गेंदें च गै हासिल करी लैता। भारत आस्सेआ जेमिमा रोड्रिग्स नै 44 गेंदें पर नाबाद नतर रन बनाए। उनें गी प्लेयर ऑफ द मैच चुनास गया।

श्रीलंका दी तरफा काव्या कविंदी ते इनोका रणवीरा नै इक-इक विकेट लैता। इसदे था पैहले, भारत नै टॉस जितिए गेंदबाजी करने दा फैसला कीता। श्रीलंका नै तय 20 ओवर च 6 विकेट पर 121 रन बनाए। श्रीलंका दी तरफा विशमी गुणरत्ने होरें सब्बनं था मते 39 रन बनाए। भारत दी तरफा क्रांति गौड़, दीप्ति शर्मा ते एन. श्री चरानी नै इक-इक विकेट लैता। कप्तान हरमनप्रीत कौर दी अगुवाई च भारत महिला टी20 विश्व कप दी तैयारियें तैहत श्रीलंका खिलाफ 5 टी20 मैच खेडा र दा ऐ। इस टी20 श्रृंखला दा अगला मैच 23 दिसंबर गी विशाखापत्तनम च ते आखिरी 3 मैच तिरुवनंतपुरम च खेडे जाडन।

<><><><><><>

Dogri Manta Divas

अज्ज डोगरी मानता दिवस मनाया जा'रदा ऐ। अज्जे दे गै दिन ब'रे 2003 च डोगरी भाशा गी भारती संविधान दी 8मीं सूचि च शामिल कीता गेआ हा। एह् ध्याड़ा डोगरी भाशा बोलने आहलें दी समृद्ध सांस्कृतिक, साहित्यिक ते भाशाई विरासत उप्पर लोs पांदा ऐ। डोगरी भाशा ते परम्पराएं गी बढ़ावा देने लेई अज्ज केई सारे सांस्कृतिक प्रोग्रामें, सेमीनारें ते साहित्यिक कार्यक्रमें दा सरिस्ता कीता जा'रदा ऐ। विद्वानें, कलाकारें ते लखारिएं, भविक्ख दिएं पीढ़िएं लेई डोगरी भाशा दे संरक्षण ते इसी बढ़ावा देने दी जरूरतें पर जोर पांदे होई इसी डुग्गर प्रदेश दी पंछान ते विरासत दा सभनें शा अहम हिस्सा करार दिता ऐ।

<><><><><><>